



Broj: 07-11-1352/22  
Vogošća, 26.09.2022. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 26.09.2022. godine donio je

**ODLUKU  
O IZBORU NAJPOVOLJNIJEG PONUĐAČA ZA IZVOĐENJE RADOVA NA REGULACIJI  
RIJEKE LJUBINE NA DIONICI OD MOSTA ZA GAREŽ DO MOSTA NA M18 SA  
SANACIJOM KLIZIŠTA-I FAZA**

**Član 1.**

Ponuda ponuđača "Mevludin-commerc" d.o.o. Sarajevo, ulica Zeleni put broj 39. Sarajevo, odabrana je za izvođenje radova na regulaciji rijeke Ljubine na dionici od mosta za Garež do mosta na M18 sa sanacijom klizišta-I faza, kao prvoplasirana na Rang listi, sa ponuđenom ukupnom cijenom nabavke u iznosu od 227.000,00 KM bez uračunatog PDV-a, odnosno 265.590,00 KM sa uračunatim PDV-om.

**Član 2.**

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 31.08.2022. godine donio Odluku o pokretanju Otvorenog postupka nabavke radova na regulaciji rijeke Ljubine na dionici od mosta za Garež do mosta na M18 sa sanacijom klizišta-I faza, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 31.08.2022. godine pod brojem: 1353-1-3-139-3-159/22.

Sažetak Obavještenja o nabavci objavljen je u "Službenom glasniku BiH" broj: 59/22 od 02.09.2022. godine.

Tendersku dokumentaciju sa Portala javnih nabavki BiH je preuzelo 14 (četrnaest) ponuđača. Krajnji rok za dostavu ponuda bio je 16.09.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 16.09.2022. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1352/22 iz augusta 2022. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

| R.B. | NAZIV PONUĐAČA/GRUPE PONUĐAČA     | UKUPNA CIJENA (KM) bez PDV-a | POPUST | CIJENA (KM)SA POPUSTOM bez PDV-a | UKUPNA CIJENA (KM) sa PDV-om |
|------|-----------------------------------|------------------------------|--------|----------------------------------|------------------------------|
| 1    | "Termo-beton" d.o.o Breza         | 278.447,99                   | /      | /                                | 325.784,15                   |
| 2    | "Špic beton" d.o.o Zenica         | 279.116,65                   | /      | /                                | 326.566,48                   |
| 3    | "Mevludin commerc" d.o.o Sarajevo | 275.440,95                   | /      | /                                | 322.265,91                   |
| 4    | "Mibral" d.o.o Sarajevo           | 279.859,53                   | /      | /                                | 327.435,65                   |

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Špic beton" d.o.o. Zenica ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod a) TD je zahtjevano da je ponuđač kao izvođač radova u posljednjih 5 (pet) godina računajući od dana podnošenja ponude, realizovao minimalno jedan ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 280.000,00 KM bez uračunatog PDV-a ili više pojedinačnih ugovora u ukupnom zbiru od 280.000,00 KM bez uračunatog PDV-a.

Ponuđač "Špic beton" d.o.o. Zenica je u svojoj Ponudi (strana 22. Ponude) dostavio Popis poslova-Referenc listu.

Na strani 29. i 30. Ponude su dostavljene Potvrde o uspješnoj realizaciji ugovora, izdate od Agencije za vodno područje rijeke Save.

Komisija za javne nabavke konstatuje da ponuđač "Špic beton" d.o.o. Zenica u dostavljenoj Referenc listi nije prikazao ugovor za regulaciju rijeke Bosne u Zenici na potezu Drveni most-Bilmišće-most u Lukovom polju, dionica na lijevoj obali od profila P25 do P28 i od P35 do P37, ukupne dužine 150 metara (Ugovor broj: 30-885-12/19 od 15.11.2019. godine), za koji je dostavio Potvrdu sa strane 30. svoje Ponude broj: 30-30-13/21 od 13.01.2021. godine, izdatu od Agencije za vodno područje rijeke Save.

Iznos druge dostavljene Potvrde o uspješnoj realizaciji ugovora u Ponudi ponuđača "Špic beton" d.o.o. Zenica u iznosu od 255.966,20 KM bez uračunatog PDV-a nije dovoljan kao referenca, jer je tačkom 7.4.2. pod a) TD zahtjevan iznos od minimalno 280.000,00 KM bez uračunatog PDV-a.

- Tačkom 7.4.1. pod c) TD je propisano da Ponuđač mora posjedovati-imati na raspolaganju građevinske mašine i tehničku opremu neophodne za uspješno izvođenje predmetnih radova i to da ponuđač ima na raspolaganju i 1 (jednu) kombinovanu mašinu (rovokopač-utovarivač).

Kao dokazi za tražene mašine iz tačke 7.4.1. pod c) stavka 3. potrebno je bilo kao dokaz dostaviti važeću saobraćajnu dozvolu/potvrdu o registraciji ili važeću upotrebnu dozvolu.

Ponuđač "Špic beton" d.o.o. Zenica je za traženo u svojoj Ponudi (strana 70. Ponude) dostavio kao dokaz saobraćajnu dozvolu iz koje Komisija za javne nabavke nije mogla utvrditi da se radi o kombinovanoj mašini (rovokopaču-utovarivaču), tj iz iste se vidi da se radi samo o mašini koja je registrovana kao rovokopač.

Na strani 71. Ponude dostavljena je Upotrebna dozvola broj: EB-M-639-307-01/16 od 26.09.2016. godine kao dokaz za kombinovanu mašinu (rovokopač-utovarivač), a koja po ocjeni Komisije za javne nabavke nije validna (istekao rok važnosti), jer je tačkom 7.4.2. pod c) Napomena II TD jasno propisano da upotrebna dozvola važi 3 godine od dana izdavanja iste.

Na strani 72. Ponude dostavljene su karakteristike mašine CASE 590 SLE rovokopač-utovarivač, koja je preuzeta sa internet stranice.

Komisija za javne nabavke istu nije ni razmatrala, jer ista ne može biti dokaz a kao takva nije uopće ni predviđena odredbama TD kao dokaz.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Termo-beton" d.o.o Breza,
- "Mevludin commerc" d.o.o Sarajevo i
- "Mibral" d.o.o Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 23.09.2022. godine u 14:00 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 23.09.2022. godine, Komisija za javne nabavke je sačinila sljedeću Rang listu u Otvorenom postupku nabavke radova na regulaciji rijeke Ljubine na dionici od mosta za Garež do mosta na M18 sa sanacijom klizišta-I faza kako slijedi:

| R.B. | NAZIV PONUĐAČA                    | UKUPNA CIJENA (KM) bez PDV-a | UKUPNA CIJENA (KM) sa PDV-om |
|------|-----------------------------------|------------------------------|------------------------------|
| 1    | "Mevludin commerc" d.o.o Sarajevo | 227.000,00                   | 265.590,00                   |
| 2    | "Termo-beton" d.o.o Breza         | 229.000,00                   | 267.930,00                   |
| 3    | "Mibral" d.o.o. Sarajevo          | 270.000,00                   | 315.900,00                   |

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Mevludin commerc" d.o.o Sarajevo, za izvođenje radova na regulaciji rijeke Ljubine na dionici od mosta za Garež do mosta na M18 sa sanacijom klizišta-I faza, kao prvoplasiranom na Rang listi, sa ponuđenom ukupnom cijenom nabavke u iznosu od 227.000,00 KM bez uračunatog PDV-a, odnosno 265.590,00 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

**Izradio:** Mirza Čutura

*Mirza Čutura*

**Kontrolisala:** Melisa Kršo

*Melisa Kršo*

Dostavljeno:

1. "Termo-beton" d.o.o. Breza
2. "Špic beton" d.o.o. Zenica
3. "Mevludin Commerc" d.o.o. Sarajevo
4. "Mibral" d.o.o. Sarajevo
5. Nadležnoj Službi
6. U dosije
7. a/a

032/784-005

032/456-147

033/864-719

033/656-680



OPĆINSKI NAČELNIK

*Edin Smajić*  
Edin Smajić